



# SIGURNIJA BIH, SIGURNIJA HRVATSKA

**Pitanje sigurnosti se ne može posmatrati izolirano na zapadnom Balkanu, kaže Mektić**

Ministar sigurnosti BiH i potpredsjednik Vlade Republike Hrvatske i ministar unutrašnjih poslova Dragan Mektić i Ranko Ostojić jučer su u Sarajevu razgovarali o aktuelnim odnosima i daljoj saradnji dvije zemlje, budući da su BiH i Hrvatska susjedi i važni partneri regije u oblasti sigurnosti, ali i pitanju evropskih integracija.

- Hrvatska i BiH itekako imaju razloga da surađuju. Što je sigurnije u BiH, to je sigurnije i za Hrvatsku, kazao je Ostojić nakon sastanka.

## Mješovita komisija

Mektić je naglasio da se pitanje sigurnosti ne može posmatrati izolirano na zapadnom Balkanu, te da treba djelovati na principu dobre saradnje, stvarajući sigurnije okruženje za građane svih država. Ministar Ostojić ponudio je pomoć Hrvatske u punom kapacitetu kako bi što prije BiH prihvatila neophodne evropske standarde.

- Hrvatska je završila taj proces, te nam može pomoći u mnogim stvarima kako ne bismo pravili greške. Dogovorili smo da uskoro bude formirana mješovita komisija za pitanje granice i graničnih prijelaza kako bi se razgovaralo o pitanjima prekategorizacije nekih graničnih prijelaza, kazao je Mektić.

Hrvatska je kao članica EU aplicirala za pristupanje Šengenskom sporazumu i ulasku u šengensku zonu te slijedi evaluacija svih standarda, a najavljeno je da će našoj zemlji donirati softvere za rad na granici vrijedne oko 10 miliona dolara. Podsjetivši da dvije države imaju više od 1.000 kilometara granice, Mektić je kazao da će onog momenta kada Hrvatska uđe u šengensku zonu, to biti veliki sigurnosni izazov i za RH, ali i za BiH da dokaže da je spremna i opredijeljena da štiti vanjsku granicu šengenske zone i EU.

- Za Hrvatsku je podnošenje zahtjeva za ulazak u Schengen nacionalni interes. To možemo napraviti 1. jula. Pismo spremnosti smo predali i očekuje nas tehnička evaluacija iza 1. jula, rekao je Ostojić.

Mektić je upoznao kolegu i sa terorističkim prijetnjama, te je dogovoreno da se treba zajednički boriti protiv sigurnosnih izazova.

## Sistemska borba

- Zajednička i sistemska borba protiv terorizma od presudne je važnosti za sigurnost građana i njihove imovine, ali i stanje u društvu u cijelosti, kazao je Ostojić.

Ministri su pričali i o posjeti pape Franje. Mektić je kazao da dolazak pape nije pitanje samo vlastite sigurnosti nego i regiona u sigurnosnom smislu, a Ostojić je dodao da će policijski službenici iz Hrvatske pomoći agencijama u BiH. Govoreći o terorističkom napadu u Zvorniku, Mektić je kazao da je informacija o ovom događaju sačinjena i dostavljena Generalnom sekretarijatu VMBiH.

- Parlament je donio još jedan zaključak, da se ta informacija dopuni i dostavi poslanicima na razmatranje, a odnosi se na mjere i radnje koje je MUP RS-a prije nekoliko dana preduzimao u smislu istraživanja, procesuiranja i dokumentovanja krivičnih djela koja mogu imati veze s radikalnim i nasilnim ekstremizmom, kazao je Mektić, dodajući da će u narednih nekoliko dana biti pribavljen i taj izvještaj.

**E. BARIMAC**

## Novi most na Drini

Vijeće ministara BiH jučer je utvrdilo prijedlog za pokretanje postupka za pregovaranje radi zaključivanja sporazuma o osnivanju fonda zemalja zapadnog Balkana, kao međunarodne finansijske organizacije sa sjedištem u Tirani. Prioritetni zadatak Fonda bit će finansiranje ključnih infrastrukturnih i energetskih regionalnih projekata. Utvrđen je i prijedlog sporazuma između VMBiH i Vlade Srbije o izgradnji međudržavnog mosta preko rijeke Drine s pratećim putnim objektima na lokaciji Ljubovija - Bratunac. Na prijedlog Ministarstva sigurnosti, donesena je odluka o imenovanju delegacije BiH pri Komitetu eksperata Vijeća Euro-

Page: 4

Reach: 0

Country: BOSNIA AND HERZEGOVINA

Size: 327 cm2

2 / 2

pe za evaluaciju borbe protiv pranja novca i finansiranja terorističkih aktivnosti, a za šefa delegacije imenovana je Damirka Mioč iz SIPA.



Agencije iz Hrvatske pomoći će onima iz BiH